



SURUHANJAYA PILIHAN RAYA MALAYSIA

## KENYATAAN MEDIA

BIL.72/ 2019

### **SPR TERIMA NOTIS KEKOSONGAN LUAR JANGKA KERUSI DEWAN RAKYAT, KAWASAN P.165 TANJUNG PIAI, JOHOR**

1. Suruhanjaya Pilihan Raya (SPR) telah menerima pemakluman rasmi daripada **Yang di-Pertua Dewan Rakyat, YB Tan Sri Dato' Mohamad Ariff bin Md. Yusof** pada **23 September 2019**, berhubung dengan kekosongan luar jangka kerusi **Dewan Rakyat Kawasan Parlimen P.165 Tanjung Piai, Johor** berikutan kembalinya ke Rahmatullah penyandangnya **Allahyarham YB Datuk Wira Dr. Md Farid Bin Md Rafik** pada hari **Sabtu, 21 September 2019**.
2. Mengikut peruntukan undang-undang, SPR perlu mengadakan satu pilihan raya kecil (PRK) bagi kerusi Parlimen tersebut di dalam tempoh 60 hari dari tarikh kekosongan.
3. Sehubungan dengan itu, SPR akan mengadakan **Mesyuarat Khas** pada 1 Oktober 2019 (Selasa), jam 10.00 pagi bertempat di **Ibu Pejabat SPR, Menara SPR, Putrajaya**. Mesyuarat Khas tersebut akan dipengerusikan oleh **Pengerusi SPR, YBhg. Datuk Azhar Azizan Harun**, yang akan membincangkan tarikh-tarikh penting (PRK) seperti tarikh Writ Pilihan Raya, Hari Penamaan Calon, Hari Pengundian, Daftar Pemilih yang akan digunakan dalam pilihan raya itu dan persiapan-persiapan lain yang diperlukan bagi melaksanakan pilihan raya tersebut. **Satu sidang media akan diadakan sejurus selepas mesyuarat tersebut.**

Sekian dimaklumkan dan terima kasih.

**DATUK MOHAMED ELIAS BIN ABU BAKAR**

Setiausaha

Suruhanjaya Pilihan Raya (SPR) Malaysia

Tarikh: 23 September 2019 / 23 Muharam 1441H